



Visoki predstavnik i specijalni predstavnik EU pozdravlja nezavisnost centralne banke BiH

Visoki predstavnik i specijalni predstavnik EU Miroslav Lajčák danas je posjetio Centralnu banku Bosne i Hercegovine i susreo se sa guvernerom Kemalom Kozarićem. Visoki predstavnik i specijalni predstavnik EU Miroslav Lajčák i guverner Kozarić razgovarali su o ulozi i važnosti Centralne banke BiH u očuvanju valute i stabilnosti cijena, na taj način doprinoseći makroekonomskoj stabilnosti zemlje.<?xml:namespace prefix = o ns = "urn:schemas-microsoft-com:office:office" />

"Centralna banka je jedan od primjera uspješnosti u Bosni i Hercegovini. Ogromno povjerenje u konvertibilnu marku, te porast deviznih rezervi svjedoče o uspjehu Centralne banke," rekao je Lajčák.

Dodao je da je "povjerenje teško steći ali vrlo lako izgubiti u finansijskom svijetu. Centralna banka je tokom deset godina stekla izvrsnu reputaciju. Vjerujem da su glavni elementi uspjeha Centralne banke profesionalizam i njena nezavisnost od politike te zato ona ne bi trebala biti predmet političke debate."